

ՀԱՅՈՑ ԹԱԳԱՎՈՐՈՒԹՅԱՆ ՊԵՏԱԿԱՆ ԿԱՌՈՒՑՎԱԾՔԸ
ԸՍՏ ՄԱՏԹԵՈՍ ՈՒՌՀԱՅԵՑՈՒ ՎԿԱՅՈՒԹՅՈՒՆՆԵՐԻ

ՌԱՅԱՑՆԵԼ ՄԱԹԵՎՈՍՅԱՆ

Մատթեոս Ուռհայեցին (XII դ. առաջին կես) իր «Ժամանակագրության» մեջ արժեքավոր տեղեկություններ է հաղորդում Հայաստանի X—XI դդ. քաղաքական կյանքի, հարևան երկրների հետ ունեցած հարաբերությունների և այլ հարցերի վերաբերյալ: Դրանց թվում կան այնպիսիք, որոնք չափազանց արժեքավոր են որպես առանձին կարևոր հարցերի քննության միակ աղբյուր: Այդպիսին են, օրինակ, X դ. երկրորդ կեսի հայոց պատմության առնչվող մի քանի հետաքրքիր տեղեկություններ՝ կապված Աշոտ III-ի (953—977) գահակալության շրջանի հետ: Դրանցից առաջինում պատմվում է 961 թ. հայոց մայրաքաղաքը Անի տեղափոխելու մասին, որի առթիվ կազմակերպվել էին մեծ հանդիսություններ: Պատմիչի հաղորդմամբ՝ Աշոտ III-ը Անիում օծվեց հայոց թագավոր: Այդ առթիվ հրավիրված էին «ամենայն իշխանքն աշխարհաց տանն Հայոց» և «լինէր ուրախութիւն մեծ ամենայն տանն Հայոց», իսկ Հայաստանի հարևան երկրները «տուրս և սէրս հանդերձ պատուական ընծայիւք յուղարկէին ի փառաւորութիւն Հայոց թագաւորութեանն»¹:

Մյուս հաղորդումը վերաբերում է Աշոտ III-ի և բյուզանդական կայսր Հովհաննես Չմշկիկի (969—976) հարաբերություններին: Պարզվում է, որ 974 թ. Ասորիք արշավելիս Չմշկիկը մտել է նաև Հայաստան և հասել մինչև Տարոն՝ կանգ առնելով Ալժեհաց բերդի մոտ՝ Մշո շրջակայքում: Կայսեր հետագա առաջխաղացումը կանխելու նպատակով Աշոտ III-ը մեծ զորքով նրան ընդառաջ է գնացել և ճամբար դրել Հարք գավառում: Մատթեոս Ուռհայեցու այս հաղորդումն անգնահատելի է ոչ միայն X դ. երկրորդ կեսի հայ-բյուզանդական հարաբերությունների ընթացքը, այլև Հայոց թագավորության այդ ժամանակաշրջանի պետական կառուցվածքը լուսաբանելու առումով:

Բազրատունյաց ժամանակաշրջանի վասալա-սյուղերենական հարաբերությունների քննությանը նվիրված մեր հոդվածներից մեկում նշել ենք, որ այդ շրջանում հայկական պետությունը միջնադարյան ֆեոդալացիա էր: Այն առաջացել էր Բազրատունիների, Արծրունիների, Սյունիների և այլ ֆեոդալական տների ու նրանց կրտսեր ճյուղերի դաշնակցային միության շնորհիվ: Խոշոր ֆեոդալները (տարբեր տների գահերեցները) վասալական կապերով համախմբված էին Բազրատունիների գլխավոր (Շիրակի) ճյուղի գահերեցի շուրջ, որն իշխում էր «Հայոց թագավորի» իրավունքով: Վերջինս «ուխտերի» ու «դաշինքների» (համաձայնագրերի կամ դաշնագրերի) միջոցով համախմբել էր հայ ֆեոդալներին, որոնք թագավորի հանդեպ կատարում էին «ծառայութիւն» (վասալական պարտականություն): Այդ եղանակով երկու կողմերի միջև հաստատվել էին փոխադարձ պարտականություններով երաշխա-

¹ Մատթեոս Ուռհայեցի, Ժամանակագրութիւն, Վաղարշապատ, 1898, էջ 3, 4:

վորված դաշնակցային կապեր: Թագավորական իշխանությունը կատարում էր դաշնակցային կամ ֆեդերատիվ կենտրոնի դեր, իսկ պետությունը, ինչպես ասվեց, դաշնակցային միություն էր՝ ֆեդերացիա²:

Ահա այդ ֆեդերացիայի անդամներին է հանվանե հիշատակում Մատթեոս Ուսահյեցին՝ Չմշկիկ կայսեր 974 թ. արշավանքի կապակցությամբ. «Յայնժամ ամենայն թագաւորազունքն Հայոց՝ ազատքն և իշխանքն և ամենայն մեծամեծքն աշխարհաց տանն արեւելից ժողով արարին առ թագաւորն Հայոց Աշոտ Բագրատունի. թագաւորն Կապանին Փիլիպպէ և թագաւորն Աղուանից³ Գուրգէն, Արաս Կարուց տէրն և Սենեքերիմ Վասպուրականիս տէրն և Գուրգէն Անձեւացեաց տէրն և բովանդակ ամենայն տունն Սասանու. և բանակ հարեալ ի Հարթայ գաւառին արք իբրև ութսուն հազար: Եւ եկեալ հրեշտակ թագաւորին Հոռոմոց առ նոսա և տեսին պատրաստական զամենայն տունն Հայոց ժողովեալ ի մի վայր և երթեալ պատմեցին թագաւորին Չմշկանն...»⁴: Չմշկիկը տեսնելով, որ Աշոտ III-ը պատրաստվել է դիմադրել իրեն, գերադասում է բարեկամական բանակցություններ վարել նրա հետ: Նրանց միջև կնքվում է դաշինք, որի համաձայն Հայոց թագավորը կայսրին տալիս է 10 հազարանոց օգնական զորամաս⁵:

Պատմիչի վերոհիշյալ տողերում թվարկված են հայ ավատատիրական ավագանու գլխավոր ներկայացուցիչները՝ Հայաստանի խոշոր իշխանական տների գահերեցները, որոնց մի մասը իրենց երկրամասերում՝ Վասպուրականում⁶, Սյունիքում (Կապան), Տաշիր-Ձորագետում, Վանանդում իշխում էր տեղական թագավորների իրավունքներով: Մի մասն էլ հայրենատեր իշխան էր (Սասունի, Անձեւացիքի տները և այլք): Նրանք միասին կազմում էին «ամենայն տունն Հայոց», որը գլխավորում էր «Շիրակի տունը»⁷ ի դեմս Աշոտ III-ի: «Ամենայն տունն Հայոցը» հայ պետականությունն է X—XI դդ.: Այդ շրջանի

2 Թ ա Ֆ ա յ ե լ Մ ա թ և ո ս յ ա ն, Վասպուր-սյունիքի ներկայիս հարաբերությունները Բագրատունյաց Հայաստանում X—XI դդ. (ՀՍՍՀ ԳԱ «Լրագրեր», 1977, № 10, էջ 46—54):

3 Նկատի ունի Տաշիր-Ձորագետը:

4 Մ ա տ թ ե ո ս Ուսահյեցի, էջ 17:

5 «...է տոսեալ Աշոտ զօրս ի տանէ Հայոց վառելոց և այր պատերազմողս իրեւ տասն հազար» (նույն տեղում, էջ 18):

6 Վասպուրականում սկսած 968 թ. իշխում էին Աբուսահլ-Համազասպի երեք որդիները՝ Աշոտ-Սահակը, Գուրգենը և Սենեքերիմը: 974 թ. զորահավաքին Վասպուրականից մասնակցում էին Գուրգենն ու Սենեքերիմը: 1003 թ. եղբայրների մահից հետո Սենեքերիմը Վասպուրականում թագավորում է միայնակ (Վ. Վարդանյան, Վասպուրականի Արծրունյաց թագավորությունը, Երևան, 1969, էջ 181, 183, 191, 196):

7 «Շիրակի տունը» Բագրատունյաց տոհմի ներսում որպես ինքնուրույն ճյուղ ձևավորվեց X դ. կեսերին, երբ Աշոտ III-ը Վանանդից տեղափոխվեց Շիրակ և այնտեղ հիմնեց պետության մայրաքաղաքը (Անին): Այդ շրջանից էլ աղբյուրները հիշատակում են «Շիրակի տունը»: 967 թ. վայոցձորցի Մեսրոպ քահանան իր հիշատակարանում գրում է. «Աշոտոյ Բագրատունոյ Հայոց թագաւորի ի տանեն Շիրակայ» (Գ ա Ր Ե գ ի ն Ա կաթողիկոս, Յիշատակարանք ձեռագրաց, հ. Ա, Անթիլիաս, 1951, էջ 123): 974 թ. Աշոտ III-ի դեսպան Ղեոնդ վարդապետը Կ. Պոլսում բանակցություններ վարեց կայսեր հետ և զգաց մեծաւ ուրախութեամբ աշխարհն Հայոց ի մեծ տունն Շիրակայ» (Մ ա տ թ ե ո ս Ուսահյեցի, էջ 29): Սրանք հայ մատենագրության մեջ «Շիրակի տան» առաջին հիշատակումներն են: Սովորաբար պատմաագիտության մեջ Շիրակի ճյուղ են անվանում Աշոտ Մսակերի և նրա անմիջական հաջորդները՝ Սմբատ սպարապետի ու Աշոտ I-ի իշխանապետությունը (Լ ե ո, Երկերի ժողովածու, հ. 2, Երևան, 1967, էջ 492 և այլն): IX դ. համար այդպիսի անվանումը վաղաժամ է, այդ

հայ պետականությունն աղբյուրներում հիշվում է նաև որպես «Հայոց թագավորություն»⁸, «ամենայն տունն Հայոց»⁹։ «Ամենայն տունն Հայոց», ինչպես երևում է Մատթեոս Ուռհայեցու վկայությունից, նշանակում է Շիրակի տուն+Արծրունյաց տուն+Սյունյաց (Կապանի) տուն+Կարսի տուն+Տաշիր-Ձորագետի տուն+Անձեացյաց տուն+Սասունի տուն+և այլն։ X դ. խոշոր իշխանական տների գահերեցներից ոմանք հասել էին թագավորական աստիճանի և հիմնել ինքնուրույն թագավորություններ, բայց վասալական կապերով կապված էին Բագրատունի գահերեցի հետ, որը ճանաչվում էր «Հայոց թագավոր»։ Հստ ալնմ, X—XI դդ., ինչպես երևում է 974 թ. Աշոտ III-ի գլխավորած զորահավաքի օրինակով, «Հայոց թագավորությունը», որպես «ամենայն տունն Հայոցի» հոմանիշ, նշանակում է Բագրատունյաց (կենտրոնական) թագավորություն+Արծրունյաց թագավորություն+Սյունյաց թագավորություն+Կարսի թագավորություն+Տաշիր-Ձորագետի թագավորություն+Անձեացյաց իշխանություն+Սասունի իշխանություն (մինչև 968 թ. նաև Տարոնի իշխանություն)+և այլն։ Այսպիսով, «ամենայն տունն Հայոցն» ընդգրկում էր Հայաստանի այն մասը, որտեղ IX—XI դդ. առաջացել էր քաղաքականապես անկախ հայկական պետություն։ Նրա հոմանիշն է «տուն Հայաստանեայս» արտահայտությունը¹⁰։ «Տուն Հայոց» կարող էր նշանակել ընդհանրապես Հայաստան, ինչպես Արիստակես Լաստիվերտցու մոտ¹¹։ Ընդ որում, այդ տերմինն Արիստակես Լաստիվերտցին գործածում է նաև ավելի նեղ իմաստով՝ միայն Հովհաննես-Մմբատի բաժին տիրույթները նշելու համար¹²։ Մատթեոս Ուռհայեցին մեկ այլ դեպքում «ամենայն տունն Հայոց» ասելով նկատի ունի Կապադոկիայում Գագիկ II-ի շուրջ համախմբված հայ ավատատերերին՝ Գագիկ Կալսեցուն, Սենեքերիմ Արծրունու որդիներ Ատոմին ու Ապուսահլին և ուրիշներին¹³։ Վերջին վկայությունը նշված արտահայտությունն իմաստավորելու մասնակի օրինակ է։ Հիմնականում պատմիչների մոտ այդ դարձվածքը բնորոշում է X—XI դդ. հայ պետականությունը, ինչպես ասված է Մատթեոս Ուռհայեցու մոտ՝ Գագիկ II-ի խոսքերով, ուղղված կայսր Մոնոմախին. «տէր և թագաւորն ես եմ տանն Հայոց. ահա ես ոչ տաց

շրջանում (Աշոտ Մսակերից մինչև Աշոտ I-ը) Բագրատունյաց ոստանի կենտրոնը եղել է Արշարունիքը («Ս տ ե փ ա ն ո ս ի Տ ա ր օ ն ե ց լ ո յ Ա ս ո ղ կ ա ն Պ ա տ մ ո թ ի ն տ ի ե զ ր ա կ ա ն», ՍՊԲ, 1887, էջ 106, «Հ ո վ հ ա ն ն ու կ ա թ ո ղ ի կ ո ս ի Դ ր ա ս խ ա ն ա կ ե ր տ ց լ ո յ Պ ա տ մ ո թ ի ն Հ ա յ ո ց», Թիֆլիս, 1912, էջ 143)։ X դ. առաջին կեսին Բագրատունիների կենտրոնը նախ տեղափոխվել է Շիրակ, ապա Վանանգ և միայն Աշոտ III-ի օրոք վերջնականապես հաստատվել Շիրակում։ IX—X դդ. սկզբի համար Աշոտ Մսակերի վերոհիշյալ շառավիղը թերևս ավելի ճիշտ է անվանել Բագրատունիների հյուսիս-արևելյան ճյուղ (հմմտ. Գ ն ե լ Գ ր ի գ ո Ր յ ա ն, Տարոնի Բագրատունիների իշխանությունը IX դ. 50—70-ական թվականներին, ՀՍՍՀ ԳԱ «Արաբեր», 1979, № 2, էջ 76)։

⁸ «Պատմութիւն Արիստակեսի և Լաստիվերտցու», Երևան, 1963, էջ 25, Մատթեոս Ուռհայեցի, էջ 94, 154։

⁹ «...օժին ղԳագիկ (Գագիկ II—Ռ. Մ.) թագաւոր ի վերայ ամենայն տանն Հայոց» (Մատթեոս Ուռհայեցի, էջ 86, հմմտ. նաև էջ 10, 17—18, 97, 153)։

¹⁰ Մատթեոս Ուռհայեցին Գագիկ II-ի մասին (էջ 86—87) գրում է. «...օժին ղԳագիկ թագաւոր ի վերայ ամենայն տանն Հայոց», «սա (Գրիգոր Մաթիստրոսը—Ռ. Մ.) թագաւորեցոյց ղԳագիկ ի վերայ տանն Հայաստանեայց», հմմտ. նաև էջ 76։

¹¹ Արիստակես և Լաստիվերտցի, էջ 49, 68։

¹² Նույն տեղում, էջ 80։

¹³ Մատթեոս Ուռհայեցի, էջ 220։

ղՀայք ի ձեռս քո»¹⁴։ Այդ պետականության քաղաքական կենտրոնը X դ. կեսերին դարձավ Անին, որն Աշոտ III-ի գահակալության շրջանից սկսած կոչվեց «թագավորանիստ քաղաք Հայոց»։ Պատմելով Աշոտ III-ի թագավորության մասին, Մատթեոս Ուռհայեցին գրում է. «Եւ յայնմ աւուր եղեւ ժողով ահագին և մեծ ի քաղաքն յԱնի, որ եղեւ այժմիկ թագավորանիստ քաղաք Հայոց»¹⁵։ Այն կոչվում էր նաև «մայրաքաղաք Հայոց»¹⁶, «թագավորաբնակ քաղաք»¹⁷։ Նման անվանումներն արտացոլում են քաղաքական այն նշանակությունը, որն Աշոտ III-ի ձեռնարկի շնորհիվ ստացավ Անին՝ որպես պետության մշտական կենտրոն։ Մայրաքաղաք ընտրելով Անին, Աշոտ III-ը վերջ տվեց պետության վարչական կենտրոնների շարունակ կրկնվող տեղափոխումներին, Անին դարձրեց Հայոց թագավորի միակ նստավայրը, այնտեղ կենտրոնացան իրավ արքունի գործակալությունները¹⁸։ Անիում էր հաստատվել նաև կաթողիկոսի աթոռը, որն այդ ժամանակվանից ավանդական «աթոռ կաթողիկոսութեան Հայոց» անվանը զուգահեռ կոչվում էր նաև «աթոռ հայրապետական տանն Հայոց»¹⁹։ Անին, որպես «ամենայն տունն Հայոցը» գլխավորող շահնշահի նստավայր, միջնադարյան քաղաքական կազմակերպության (Ֆեդերացիայի) շրջանակներում միաժամանակ և՛ Բագրատունյաց, և՛ համահայկական մայրաքաղաք էր։ Այս առումով Հ. Օրբելին վրիպել է՝ Անին չհամարելով ամբողջ Հայաստանի մայրաքաղաք²⁰։

Մատթեոս Ուռհայեցու վերոհիշյալ վկայություններն արտացոլում են Հայաստանի մասնատվածության ժամանակաշրջանի քաղաքական կառուցվածքը, երբ Հայոց թագավորությունը մասնատված ֆեոդալական միապետություն էր։ Այդ վկայությունները կապող օղակ են նախորդ՝ միջանդակալ (885—961) և հետագայի՝ XI դ. հայկական պետականության կառուցվածքը, նրա աստիճանական զարգացումը հասկանալու և բացատրելու համար։ Քննության առնված տերմինները («ամենայն տունն Հայոց» և մյուսները) նույն հեղինակի մոտ հանդիպում են նաև XI դ. քաղաքական անցքերը շարադրելիս։ Գագիկ I-ի որդիներին՝ Հովհաննես-Սմբատի ու Աշոտի, գահակալական պայքարի և նրանց միջև կայացած համաձայնության մասին պատմիչը գրում է, որ կաթողիկոս Պետրոսը, Բագրատունիք և Պահլավունիք ճեղին առ Աշոտ և մեծաւ երդմամբ նստուցին զԱշոտ դրուց աշխարհին՝ թագաւոր ամենայն տանն Հայոց, և Յովհաննէս նստցի թագաւոր ի քաղաքն յԱնի. և եթէ մեւցի Յովհաննէս, Աշոտ լիցի թագաւոր ամենայն տանն Հայոց։ Եւ յայնժամ եղեւ խաղաղութիւն ամենայն աշխարհին Հայոց»²¹։ Այս հատվածում «թագաւոր ամենայն տանն Հայոց» արտահայտությունը ցույց է տալիս, որ Աշոտ IV-ին ենթակա էին մի շարք «տներ»՝ ֆեոդալական իշխանապետու-

¹⁴ Նույն տեղում, էջ 95։

¹⁵ Նույն տեղում, էջ 3—4։

¹⁶ Նույն տեղում, էջ 211։

¹⁷ Նույն տեղում, էջ 85։ Ավանդաբար Անին ադպես էր կոչվում նաև XI դ. հայկական պետականության անկումից հետո (հմտ. Մատթեոս Ուռհայեցի, էջ 146, 221, 229, 359, 421, 426)։

¹⁸ ՀՍՍՀ ԳԱ «Լրաբեր», 1978, № 5, էջ 89—94։

¹⁹ Մատթեոս Ուռհայեցի, էջ 33, 153։

²⁰ И. Орбелн, Избранные труды, Ереван, 1963, с. 1.

²¹ Մատթեոս Ուռհայեցի, էջ 10։

թյուններ²², որոնց վրա նա թագավորում էր վասալիտետի միջոցով: Նույն նախադասութիւնում երկրորդ անգամ հիշատակված «ամենայն տունն Հայոցն» արտացոլում է հաշտութեան այն պայմանը, որի համաձայն Հովհաննեսից հետո երկուսի բաժինները միավորվելու էին: Աշոտը ստանալու էր Հովհաննեսի բաժինը Անիով և նրան էին ենթարկվելու Հայաստանի բոլոր խոշոր ֆեոդալական տները: Երկու դեպքում էլ Մատթեոս Ուռհայեցու մոտ «ամենայն տունն Հայոց» նշանակում է ֆեոդալական տների դաշնակցային միութիւն: առաջին դեպքում միայն «դրուց աշխարհի» սահմաններում, երկրորդում՝ ամբողջ Հայոց թագավորութիւնում:

«Ամենայն տունն Հայոցը» չպետք է շփոթել «տունն Հայոց» արտահայտութեան հետ: Մատթեոս Ուռհայեցին Հովհաննես-Սմբատի հոգաբարձու Սարգիս Սյունեցուն անվանում է «այլ ոմն յիշխանաց տանն Հայոց»²³, Պատմիչն այդպես է անվանում նաև Հովհաննեսի վասալներին՝ Պաշլավունիների տոհմից: Նա գրում է, որ Գրիգոր Մագիստրոսը «և այլք ոմանք յազատաց տանն Հայոց», նրանց թվում նաև Սարգիս Սյունեցին, թագավորի հրամանով ալեքսանդրացի Կոզման գիտնականին²⁴: Միաժամանակ, Հովհաննես-Սմբատի բաժինը Արիստակես Լաստիվերտցին անվանում է «տունն Շիրակայ»: Այսպես, օրինակ, խոսելով Սարգիս Սյունեցու մասին, պատմիչը գրում է, որ նա ցանկանում էր «թագաւորել ի վերայ տանն Շիրակայ և որ շուրջ զնովաւ գաւառը»²⁵: Մատթեոս Ուռհայեցին նույնպես շահնշահի գլխավորած ֆեոդալական տունն անվանում է «տունն Շիրակայ», գրելով, որ Կարսի Աբաս և Կյուրիկյան Գուրգեն թագավորները «կային ի հնազանդութիւն տանն Շիրակայ»²⁶:

Մեջբերված վկայութիւններից երկուսն է, որ «տունն Հայոց» ասելով երկու պատմիչներն էլ նկատի են ունեցել Բագրատունյաց տոհմի ավագ ճյուղը՝ շահնշահների գլխավորած Շիրակի ֆեոդալական յոռնը²⁷:

1045 թ. Բյուզանդիան զավթեց Հովհաննես-Սմբատի բաժինը և այնտեղ նշանակվեցին կայսերական կառավարիչներ: Նրանցից մեկը Կամենասն էր (Կատակալուն Կեկավմեն), որը, ըստ Արիստակես Լաստիվերտցու, «ունէր զիշխանութիւն տանն Հայոց»²⁸:

«Շիրակի տանն» հանդես գալը որպէս «Հայոց տան», արտացոլում է այն գերիշխող դիրքը, որ ունէր Բագրատունյաց գահերեցների քաղաքական կազմավորումը ֆեոդերատիվ պետութեան շրջանակներում: Նա էր գլխավորում հայկական ավատատիրական տների դաշնակցութիւնը, հայ պետականութիւնը: Նրա գահերեցներն էին կրում «Հայոց թագավորի» տիտղոսը և հայկական մյուս տեղական թագավորների համեմատ ճանաչված էին առաջին

²² Դրանցից էին օրինակ, Պաշլավունիների այն ճյուղը, որի ներկայացուցիչն էր Հայոց իշխան Ապիրատը՝ սպարապետ Հովնաթ Վասակի եղբայրը, մյուսը՝ Շատիկ բերդի տերը (Մատթեոս Ուռհայեցի, էջ 10, «Մի խիթաբայ Անեցու Պատմութիւն», ՍՊԲ, 1879, էջ 52, Արիստակես Լաստիվերտցի, էջ 22):

²³ Մատթեոս Ուռհայեցի, էջ 84:

²⁴ Նույն տեղում, էջ 67:

²⁵ Արիստակես Լաստիվերտցի, էջ 57:

²⁶ Մատթեոս Ուռհայեցի, էջ 10:

²⁷ Հմմտ. Ղ. Ալիշան, Շիրակ, Վենետիկ, 1881, էջ 15:

²⁸ Արիստակես Լաստիվերտցի, էջ 80:

թագավորացն»²⁹։ Այս արտահայտությունը համապատասխանում է լատինական «primus inter pares» («առաջինը հավասարների մեջ») արտահայտությանը, որը ցույց է տալիս գերագույն սյուզերենի գիրքն ավատատիրական աստիճանակարգում։

Մեր պատմագիտության մեջ վաղ միջնադարի Հայոց թագավորությունն իշխող դինաստիայի անունով իրավացիորեն անվանվում է «Արշակունյաց թագավորություն», որովհետև այն միասնական պետություն էր, նախարարությունների ցանց կամ ամբողջություն։ Արշակունյաց թագավորությունը կարելի է պատկերացնել որպես մեկ խոշոր նախարարություն, որը բաժանվում էր մի քանի տասնյակ իշխանությունների։ Նախարարությունը միաժամանակ երկրի վարչական կառավարման սիստեմ էր³⁰։ Մինչդեռ ֆեոդալական մասնատվածության շրջանի համար այդ բանը չի կարելի ասել։ Այդ շրջանում «Հայոց թագավորությունն» ավելի լայն հասկացություն էր, քան «Բագրատունյաց թագավորությունը»։ Առաջինի կազմի մեջ ընդգրկված իշխանապետություններից մի քանիսը՝ Բագրատունյաց (գլխավոր ու կրտսեր), Արծրունյաց, Կապանի (Սյունյաց) դարձել էին ինքնուրույն մեծ ու փոքր թագավորություններ, այդ պատճառով էլ X—XI դդ. Հայոց թագավորությունը ոչ թե միասնական, այլ մասնատված պետություն էր, որի առանձին քաղաքական կազմավորումները (թագավորությունները) համախմբված էին գլխավորի (Բագրատունյաց կենտրոնականի) շուրջ՝ դաշնագրային կապերով, կազմելով թագավորությունների (և խոշոր իշխանությունների) դաշնակցային պետություն կամ ֆեդերացիա, որը Մատթեոս Ուտհայեցին անվանում է «ամենայն տունն Հայոց»։

Ջարգացած ֆեոդալիզմի ժամանակաշրջանում պետական կառուցվածքի առանձնահատկությունը խիստ կարևոր է մասնատվածության պրոցեսը ճիշտ բացատրելու համար։ Բանն այն է, որ որոշ հեղինակների (Լեոն, Հ. Հարությունյան, Ս. Պողոսյան) կարծիքով X դ. 60-70-ական թվականներին տեղական թագավորությունների առաջացումը (Սյունյաց, Կարսի և Կյուրիկյան) կատարվել է ի հաշիվ Բագրատունյաց (կամ Անիի) թագավորության մասնատման, նրանից անջատվելու միջոցով³¹։ Այդ տեսակետը բոլոր թագավորություններին տարածելի չէ, քանի որ հաշվի պետք է առնել երկու կարևոր հանգամանք՝ երկրի պետական կառուցվածքը և խոշոր հայրենատեր ավատատերերի հողատիրության իրավունքը։ Քանի որ քննվող ժամանակաշրջա-

²⁹ Մատթեոս Ուտհայեցին գրում է, որ Աշոտ III-ը օծվեց «ի գահոյս առաջին թագաւորացն Հայոց ազգիս» (էջ 4)։ Մի այլ տեղ նա գրում է, որ Սարգիս Սյունեցին հափշտակել էր «զգանձատունն առաջին թագաւորացն Հայոց» (էջ 84)։ Անիում գտնվում էր ամենայն Հայոց առաջին թագաւորացն տապանատունը, որտեղ թաղված էր նաև Աշոտ IV-ը (էջ 79, 97), հմմտ. Արիստակես Լաստիվերտցի, էջ 62, «Պատմութիւն նահանգին Սիսական, արարեալ Ստեփաննոսի Օրբէլեան արքեպիսկոպոսի Սինեաց», Քիֆլիս, 1911, էջ 285, 328։

³⁰ Н. Адонц, Армения в эпоху Юстиниана, Ереван, 1971, с. 298, 453, 462; А. Сукиасян, Общественно-политический строй и право Армении в эпоху раннего феодализма, Ереван. 1963, с. 95, 206, 232, Հ. Քումայան, Հայաստանի տնտեսական զարգացման պատմություն, Երևան, 1960, էջ 62։

³¹ Լեոն, Երկրի ժողովածու, հ. 2, էջ 578, 591, Հ. Հարությունյան, Հայաստանը IX—XI դդ., Երևան, 1959, էջ 97, 98, 106, Ս. Պողոսյան, Հայ ժողովրդի պատմություն, հ. 2, Երևան, 1965, էջ 53, 54։

նում հայ պետականությունը գլխավորում էր Բագրատունի գահերեցը, որին բոլոր հայ խոշոր ավատատերերը ճանաչում էին որպես հայոց թագավոր, ապա նշված հեղինակներից վերջին երկուսը Բագրատունյաց թագավորությունը նույնացրել են Հայոց թագավորության հետ³², նկատի չի առնվել, որ հայոց թագավորի տիտղոսը կրող Բագրատունի գահերեցը գլխավորել է երկու քաղաքական կազմավորումներ՝ Բագրատունյաց կենտրոնականը՝ Անի մայրաքաղաքով (Շիրակի տուն) և ճամենայն տունն Հայոցը՝ մի քանի ավատատիրական տների դաշնակցային միությունից կազմված Հայոց թագավորությունը։ Այդ պատճառով էլ մասնատվածության պրոցեսը բացատրելիս վերոհիշյալ հեղինակները վրիպել են, յուրաքանչյուր տեղական թագավորության առաջացումը համարելով Բագրատունյաց թագավորության մասնատում և տրոհում։ Նրանք հաշվի չեն առել այդ թագավորությունների ստատուտը ճամենայն տանն Հայոցի՝ ներսում, որը պայմանավորված էր հողատիրական իրավունքով։ Սյունիքի ավատատերերը, օրինակ, հայրենատեր հողատերեր էին և նրանց տիրույթները (բացառությամբ Գեղարքունիքի) միացված չէին Բագրատունյաց ոստանին, չէին մտնում նրա մեջ, ուստի Սյունյաց գահերեցի անջատողական ձգտումները կարող էին արտահայտվել ոչ թե Բագրատունյաց թագավորությունից անջատվելու, այլ դաշնակցային միությունից դուրս գալու միջոցով։

Այլ էր Կարսի (Վանանդ-Արշարունիք) և Տաշիր-Ձորադետի վիճակը։ Դրանք Բագրատունյաց ոստանի մասն էին կազմում և եթե այդ երկրամասերում տեղական թագավորությունների առաջացումը (Կարսի և Կյուրիկյան) լինել անջատողականության արդյունք, ապա կարելի կլիներ ասել, որ դրանք անջատվեցին Բագրատունյաց թագավորությունից։ Սակայն, ինչպես նշել ենք մեր նախորդ հոդվածներում, դրանց կազմավորումը հետևանք էր Բագրատունյաց արքունիքի քաղաքական վերափոխումների։ Այսպես, օրինակ, Աշոտ III-ը ռազմաստրատեգիական կարևոր նշանակություն ունեցող սահմանային մարզերը ենթարկեց Շիրակի տան կրտսեր անդամների իշխանությանը, ճանաչելով նրանց թագավոր³³։

Այսպիսով, Մատթեոս Ուռհայեցու երկում հայ պետականությանը վերաբերող տեղեկությունների վերլուծությունը ցույց է տալիս, թե ինչպիսի կարևոր նշանակություն ունեն դրանք՝ Հայաստանի X—XI դդ. պատմությունը հետազոտելիս։ Ընդ որում, ոչ պակաս արժեքավոր են նաև XI դ. կեսերին և վերջին (Անիի անկումից հետո) վերաբերող «տունն Հայոցի» հիշատակությունները պատմիչի աշխատության մյուս էջերում³⁴։

Վերջում շեշտենք, որ Ուռհայեցին իր երկում հաղորդում է այնպիսի մանրամասնություններ Հայաստանի X—XI դդ. ներքին քաղաքական կյանքի վերաբերյալ, որոնք բացակայում են այլ պատմիչների, այդ թվում նաև Արիստակես Լաստիվերտցու մոտ։

32 2. Հ ա Ր Ո Ւ Յ Ո Ւ Ն Յ Ա Ն, նշվ. աշխ., էջ 97, 98, 106, Ս. Պ Ո Ղ Ո Ս Յ Ա Ն, նշվ. աշխ., էջ 53, 54։

33 ՀՄՄՀ ԳԱ «Լրաբեր», 1976, № 3, էջ 86—95, 1977, № 1, էջ 74—79, 1978, № 12, էջ 55—60, 1979, № 4, էջ 79—84։

34 Մ ա թ թ ե ո ս Ու Ր հ ա յ ե ց ի, էջ 146, 148, 151, 220—221։

ГОСУДАРСТВЕННОЕ УСТРОЙСТВО АРМЯНСКОГО ЦАРСТВА.
ПО СВЕДЕНИЯМ МАТТЕОСА УРҲАЕЦИ

РАФАЕЛ МАТЕВОСЯН

Резюме

«Хроника» автора первой половины XII в. Маттеоса Урһаеци содержит ценные сведения, помогающие правильно понять государственное устройство Армении эпохи феодальной раздробленности. Автор «Хроники» поименно перечисляет представителей крупных армянских феодальных домов X—XI вв.—феодальные дома Ширака, Капана (Сюник), Ташир-Дзорагета, Карса, Васпуракана, Андзевацика, Сасуна, которые вместе составляли «аменайн тунн һАйоц»—«дом всей Армении», возглавлявшийся Ширакским домом. Его глава—Багратидокий царь,—признавался верховным сюзереном всеми армянскими владетельными феодалами—удельными царями Васпуракана, Сюника, Карса, Ташир-Дзорагета и крупными князьями; с ним они были связаны вассально-сюзеренными отношениями в рамках «аменайн тунн һАйоца». Последний у Маттеоса Урһаеци называется также Армянским царством. Таким образом, в X—XI вв. Армянское царство—это союзное государство (феодальная федерация), в которое входили Багратидское (главное, с центром в Анн), Васпураканское, Сюникское, Карсское, Ташир-Дзорагетское царства и ряд крупных княжеств. Во главе союзного государства стоял Багратидский царь, являвшийся одновременно царем (шахиншахом) Армении.